

Condecoracion Cultuurfonds 2026:

ta busca candidato!

Cual boluntarionan special den cultura y naturalesa merece e Condecoracion di Cultuurfonds? Nomina candidatonan awor pa e entrega na 2026!

Sosten financiero pa cultura y naturalesa ta indispensabel, y pa esaki tanto Cultuurfonds na Hulanda como Cultuurfonds Region Caribense ta traha continuamente pa decadanan caba. E esfuerso di hopi boluntario ta mesun importante. Nan ta activo den museo, den teatro, na asociacionnan di musica y coro.

Nan ta mantene herencia, skirbi buki, haci investigacion y ta traspasa conocimiento importante y historico. Hopi biaha nan no ta visibel tras di cortina, pero cu un resultado masha visibel y sintibel dilanti di dje.

Pa e hendenan special aki tin e Condecoracion di Cultuurfonds, un homenahe y un danki grandi di parti di Cultuurfonds Nederland pa nan dedicacion desinteresa y indispensabel na cultura y naturalesa, na arte y herencia, y na paisahenan.

E Condecoracion di Cultuurfonds aki – cu antes tabata yama Zilveren Anjer – ta wordo otorga desde 1950 tur aña na tres pa cinco boluntario di Hulanda of di e parti Caribense di Reino.

E ceremonia di entrega ta tuma luga na Hulanda, den e prome simannan di juni, y ta wordo haci pa un di e Comisarionan di Rey, kende ta alabes presidente di e departamentonan di Cultuurfonds den e provinsianan.

Kico ta e rekisitonan pa e candidatonan?

10 aña of mas di trabou boluntario demostrabel pa cultura y/o naturalesa;

Na banda of despues di trabou paga;

Bo kier nomina un persona pa e Condecoracion di Cultuurfonds?

Via un formulario online riba e website di Cultuurfonds Nederland por nomina un candidato facilmente:

<https://www.cultuurfonds.nl/cultuurfonds-onderscheiding/voordrachtsformulier>

Pa e entrega na juni 2026, por haci nominacionnan nobo di 15 di juni 2025 te cu 1 di september 2025.

Si un persona nomina bira un candidato real despues di un prome seleccion pa Cultuurfonds Nederland, nos lo pidi pa cartanan di sosten y motivacion di personanan cu conoce e trabou di e nominado y/o autoridadnan cu ta apoya e nominacion.

E cartanan di recomendacion aki mester ser entrega prome cu 1 di october 2025.

Despues Cultuurfonds Nederland ta haci e seleccion definitivo.

Na principio di januari 2026 lo anuncia kenta ricibi e Condecoracion di Cultuurfonds.

E ceremonia di entrega ta na principio di juni 2026 na Hulanda.

Pa mas informacion y pa mira ken a ricibi'e anteriormente, bishita:

www.cultuurfonds.nl/cultuurfonds-onderscheiding

Ehemplonan notable E ultimo dos laureadonan di e parti Caribense di Reino tabata:

Rose Mary Allen - 2024 <https://youtu.be/bZwHLFj2MQ4?si=UinFQg-XMaRd6Jgu>

Adolf - Dufi - Kock - 2022 <https://youtu.be/XqWarJuIzws?si=iWzJwz85ZOHz4bbT>

